

Солтүстік Қазақстан филиалының мемлекеттік тілді оқыту курсы оқытушысын іріктеу бойынша конкурс өткізу туралы хабарландыру

«Қазақстан Республикасының Ұлттық Банкі» РММ Солтүстік Қазақстан филиалы (бұдан әрі-Тапсырыс беруші) мемлекеттік тілді оқыту курсы оқытушысын іріктеу бойынша конкурс жариялайды.

Конкурсқа қатысуға арналған құжаттар 2021 жылғы 23 желтоқсаннан бастап 29 желтоқсан (қоса алғанда) аралығында мына мекенжай бойынша: Т01Н0D6, Петропавл қ., Қазақстан Конституциясы көшесі, 6, «Қазақстан Республикасының Ұлттық Банкі» РММ Солтүстік Қазақстан филиалы, 4-қабат, 401-кабинет. Конкурсқа қатысушының мекенжайы көрсетілген мөр басылған конвертте (қолма-қол немесе пошта арқылы жіберу) немесе электронды түрде Meruyert.Alim@nationalbank.kz электронды поштасы арқылы қабылданады.

Конкурсқа қатысушыларға қойылатын талаптар:

- «Оқыту қазақ тілінде оқытпайтын мектептердегі қазақ тілі мен әдебиеті», «Қазақ тілі мен әдебиеті» не көрсетілген мамандықтарға ұқсас мамандық бойынша жоғары (жоғары оқу орнынан кейінгі) филологиялық білімінің болуы;

- мемлекеттік тілді оқыту тәжірибесі кем дегенде 5 (бес) жыл болуы;

- ғылыми дәрежесі және (немесе) ғылыми атағының болуы (күптарлық).

Қатысушыларды бағалау кезінде:

- Қазақстан Республикасының Конституциясын, «Қазақстан Республикасындағы Тілдер туралы» заңды, Қазақстан Республикасындағы Тіл саясатын іске асырудың 2020-2025 жылдарға арналған мемлекеттік бағдарламасын, Қазақстан Республикасының барлық деңгейдегі «Қазақ тілін меңгерудің коммуникативтік тілдік құзыреттері» ұлттық стандарттарын, Қазтест қазақ тілін меңгеру деңгейін бағалау жүйесін білуі;

- тілдерді оқытудың заманауи инновациялық әдістері мен технологияларын меңгеруі ескеріледі.

Конкурсқа қатысу үшін «Қазақстан Республикасының Ұлттық Банкі» РММ Солтүстік Қазақстан филиалы мемлекеттік тілді оқыту курстары оқытушысын іріктеу жөніндегі конкурстық комиссиясына келесі **құжаттарды** ұсыну қажет:

- конкурстық іріктеуге қатысушының түйіндеме;

- жеке басты куәландыратын құжаттардың көшірмелері (жеке тұлғалар үшін);

- қазақ тілін оқыту тәжірибесінің кем дегенде 5 (бес) жылын растайтын құжаттардың көшірмелері;

- жоғары (жоғары оқу орнынан кейінгі) білімі туралы дипломдардың көшірмелері;

- кәсіби деңгейін растайтын өзге құжаттардың көшірмелері (ұсынымдар, мінездемелер, сертификаттар, ғылыми дәрежесі және (немесе) атақтарының, санатының, ғылыми жарияланымдардың болуы туралы құжаттар) (болған жағдайда);

Құжаттардың толық топтамасын ұсынбау конкурстық комиссияның конкурстық іріктеуге қатысушының кандидатурасын қараудан бас тартуына негіз болып табылады.

Ұсынылған құжаттарды қарау қорытындысы бойынша конкурстық комиссия құжаттарды қабылдау мерзімі аяқталғаннан кейін 3 (үш) жұмыс күні ішінде конкурстық іріктеуге қатысушылардың құжаттарының белгіленген талаптарға сәйкестігі (сәйкес еместігі) туралы және конкурстық іріктеуге қатысушыларды әңгімелесуге қатысуға рұқсат беру не рұқсат беруден бас тарту туралы шешім қабылдайды.

Конкурстық комиссияның хатшысы конкурстық комиссия шешім қабылдағаннан кейін 2 (екі) жұмыс күні ішінде:

- кандидаттарды әңгімелесу өткізу күні және орны туралы;

- әңгімелесуге рұқсат беруден бас тарту алған конкурстық іріктеуге қатысушыларды конкурстық комиссияның шешімі туралы хабардар етеді.

Конкурс жеңімпазы конкурстық іріктеудің қорытындысы туралы конкурстық комиссиясының шешімі жарияланған күннен бастап 5 (бес) жұмыс күні ішінде Тапсырыс берушіге мыналарды:

- жоғары (жоғары оқу орнынан кейінгі) білімі туралы дипломның нотариат куәландырған көшірмесін;

- еңбек қызметін растайтын құжаттың нотариат куәландырған немесе жұмыс орны бойынша кадр қызметі растаған көшірмесін ұсынады.

Конкурс жеңімпазымен (бұдан әрі-Жеткізуші) мемлекеттік тілді оқыту курстарын өткізу бойынша қызмет көрсету туралы шарт жасалады.

Шарттың елеулі талаптары:

- Тапсырыс берушінің қызметкерлеріне мемлекеттік тілді оқыту бойынша Қызметтер көрсету (бұдан әрі-Қызмет);

- Қызмет көрсету орны: Петропавл қаласы, Қазақстан Конституциясы көшесі, 6, сондай-ақ Тапсырыс берушінің қалауы бойынша қашықтықтан (онлайн форматта) жүзеге асырылуы мүмкін;

- көрсетілетін Қызметтердің жалпы сағат саны 120 академиялық сағат (1 академиялық сағат - 45 минут);

- бір академиялық сағаттың құны - Қазақстан Республикасының заңнамасында белгіленген мөлшерде жеке табыс салығы мен міндетті зейнетақы жарналарын және міндетті әлеуметтік медициналық сақтандыру жарналарын ұстау арқылы - 3 951 (Үш мың тоғыз жүз елу бір) теңге.

- Тапсырыс беруші нақты көрсетілген Қызметтер үшін ақы төлеуді Жеткізуші мен Тапсырыс берушінің өкілі көрсетілген қызметтер туралы актіге қол қойған және Жеткізуші нақты жұмыс істеген уақыты туралы есепті (қатысуды есепке алу журналы) ұсынған күннен бастап операциялық 10 (он) күн ішінде Жеткізушінің банктік шотына (қарт - шотына) ақша аудару арқылы ай сайын жүзеге асырады.

Байланыс деректері: T01H0D6, Петропавл қ., Қазақстан Конституциясы көшесі, 6, «Қазақстан Республикасының Ұлттық Банкі» РММ Солтүстік Қазақстан филиалы, 4-қабат, 401 кабинет, тел. 8(7152) 55-15-27, факс 8(7152) 46-09-83, 8-705-889-25-27 жетекші маман – аудармашы (қаз.) Меруерт Жәметқызы Әлім, Meruert.Alim@nationalbank.kz